

東洲草堂詩鈔

東洲艸堂詩鈔卷二十七

道州 何紹基 子貞

焦山畱別四首 乙丑

故人招我到焦山，破浪衝風豈等閒。
不想扁舟返吳會，任欵孤筇叩雲關。
使君快接壺觴興，禪侶爭將杖屨攀。
三選樓頭相憶處，夕陽口日照酡顏。
前吳平齋書來云：在焦山相待，今君已返。凡谷間具諸方外，相晤皆昔年舊識。吳門許緣仲與芥航上人，情款甚摯，並與

眼界須憑絕頂開，盤旋直上大觀臺。
一輪斜日銜山去，萬里長江對客來。
賈舶飄隨寒雁落，寺鐘聲送暗潮回。
十年烽火畱孤嶂，水底魚龍大是才。
大觀臺，西向余題扁曰：西笑閣。

三十年來爲鶴銘，顛風斷渡屢揚舲。
南碑兼有北碑勢，石氣長含江氣腥。
幾度檀椎光爛爛，半生煤麝鬢星星。
居然古重齋周

鼎一任狂濤撼不停

每至焦山必手折鶴銘今老蠟矣

浪迹知邀古佛憐恩恩三宿已欣然孤雲不解閒忙意病足能操去住權笑落千行淚後筆急搖八槩戰餘船焦山度歲成虛諾畱作它年再到緣

嘉平廿五日別焦山緣仲以嚴船送客二日到焦山即曰焦山度歲好個題目

過滄浪亭可園

滄浪亭石可園梅當日燄桓日幾回亭屋全灰梅伐盡數峯荒石繡蒼苔

喜晤李少泉中丞

一櫂吳門正早春兼資文武識奇人連城底定先諸將百吏精神在一身笑我狂游看世事喜君披豁露天眞果然支柱中興局多賴蓬山侍從臣

意謂路節門胡潤芝曾滌生及少泉諸公皆同館也

李笙漁畫扇題詩次韵答之時同往上海

海隅春事忽相關
借看吳淞一帶山
我本無心今日去
不須問我幾時還

風雷作雪攪人眠
一夜青山失少年
妙有春風來豎底
凍豪揮出活雲煙

雪凍舟不得行仍返吳寓

山館沈沈旅思清
酒醒雞唱已三更
怯寒不敢披衣起
孤負通霄雪月明

李笙漁屬題畫冊

爭傳畫妙憚王查
笑我麤疏有浪誇
要識煙雲能萬變
瀟湘淡處是吾家

題石濤畫冊吳平齋藏

本色不出不高本
色不脫不超揆徧
奇山打槩豈知別
有石濤

爲平齋題谿南八景圖

畫禪何處印高低解道無題勝有題指點東疇與西隴是叮哇處不叮哇

歸安吳接歛西吳世寶谿南八景圖太息十年兵火後幾家喬木不荒蕪

平齋屬題齋額曰抱壘室綴廿八字

論語春秋繫此壘當年諏攻費羣才湖州得寶劬供奉萬卷牙籤百本梅

儀徵師得齊侯壘有前後歌命諸門人攷辨余亦有釋文今此器歸吳平齋

平齋見示蓬樵畫

煙雲幽絕是瀟湘老守蓬樵點點忙連日顧幙頻展卷幾番清

輟到家鄉

題冬心花艸卷爲吳平齋

揚州看畫當夏五冬心豔發堪敵暑庚戌五月盛暑自題冬心豔發四大字於首吳門看畫苦春寒妒汝筆尖萬花吐客來命酒連晨晡驚蟄節到尙圍鑪拋殘鄧尉尋梅約況想橫塘泛月乎

題潘玉淦詩集

冰雪聰明厭綺羅自然吟詠叶天歌清能徹骨豪逾靜澹欲無言少已多餘事尙能籌組練憂心何術挽江河詩懷定與新春展開到庭梅第幾窠

題潘順之石湖癩漁詩集

署石湖漁癩不勝誰知詩力健飛騰盡刊才語君宜月澹寫淡情我未能舊夢難忘瓊島月冷懷同證玉壺冰論文樂事人應羨挑盡吳門雪夜鐙

題石湖癩漁圖

嬾石一臥生奇姿嬾梅一折成拗枝嬾漁亦有岸上屋爲君題
作嬾園宜石湖近日多荒艸拋卻漁船隨浩渺寒江風雪故人
來一夜嬾漁忙不了

題潘順之香雪詩鈔

林下何嘗無一人蓬山佳處早抽身敦行孝弟名斯澹笑向煙
波嬾是真文字性情能排惻階庭蘭玉總精神洗心池畔論詩
夜香破寒梅發古春

題坐位帖

模楷得精詳傳自張長史莫信墨濡頭顛艸特戲耳欲習魯公
書當從楷法起先習爭坐帖便墮雲霧裏未能坐與立趨走傷
厥趾烏乎宋元來幾人解道此

題智師千文

自從側筆出虞戈歷宋元明踵謬多試玩智師佳拓本效顰貽
笑是鷗波

重題顧子山乞畫圖仍用舊題韵

蒼蒼浪浪現奇怪妙意本在丹青外從憚王出非憚王此筆晚
出我心愛潘家近蓄東京碑多有彥冲朱印疥想見金石癖頗
淡古情早下山靈拜吾雖解畫無一筆董巨而還通聲歎江南
文獻烽火後幻若龍蛇同委蛻諸賢好事收燼餘何異江河飄
一芥談碑讀畫銷酒樽良夜佳晨展書帶春明鴻爪忽到眼果
免劫灰騰吟械用昔篇意吳山越水我行遲春漲孤舟發遙慨

重題顧子山花天跨蜨圖

時君不復出山距己酉前題十七年矣

碧瑤天化水雲蒼蜨癭醒餘海氣涼玉笛梅花吹不落依然旖
旎一身香

題晴舫吳少宗伯松石閒意遺照

置身松石間目營天地寬於學歷不窺靜測萬理端典試與督
學爲時求鳳鸞胸中涵衍大所施無由蟬咎年侍側時報
國惟忠肝豈意返兜率世事萬波瀾小子吳越游軍事粗已安
哲嗣出遺像蕭灑脫榮觀如逢莞爾笑捧手有餘歡森然氣一
肅皎若天星寒

文衡山畫王槐雨拙政園圖爲蔣芝舫題

余於庚戌夏爲朱仲清題是圖用今歸蔣芝舫適招飲
索題漫成四十字今撫部李少荃宮保寓拙政園有吳
梅邨書雲垂霧接四字扁疑爲山茶花題也

曾是將軍府今爲撫部衙清風渾槐雨名畫漏山茶

吳梅邨有詠拙政園

寶珠山茶花越水接吳渚朱門移蔣家磨人幾寸墨一十六年

詩圖中無之

華

張古虞得吾丙午春初小楷冊甚珍祕爲題二十八字
東華散直惜居諸細楷精嚴韻頗餘廿載故吾來眼底梅花繞
几墨香初

題張樗寮妙法蓮華經墨迹係張淳甫所藏

淳甫云樗寮書此經共七卷藏杭州潮鳴寺嘉慶中屠
琴鳴讀書寺中得其一卷共五十七葉後歸魏稼孫咸
豐庚申兵亂稼孫以付淳甫時需次吳門也淳甫以事
渡江至通州爲張妃堂分去四十八葉淳甫自存此九
葉余謂樗寮楷書世間往往有之其嚴整峭削不似有
宋諸名家全以行艸法破楷法也珍重珍重聞妃堂不
日來吳門或有緣得覩此卷之全吾意當令成全璧爲

妙也

焦山石壁寶真珉吳會來看手墨新拔戟蘇黃米蔡外寫經規
矧接唐人

仇十洲畫桃花源圖賈芸樵同年屬題時到上海

世閒多少桃花源化為城市煙塵昏惟有武陵漁父曾到處至
今巖壁千丈尋無門畫師以意競摹取今見十洲昔梅村余藏
此圖此中風景豈許外人道竊恐真境難揣捫我游泥瀆聞見
異海水蕩蕩多夷貊中原清明風景正韶麗展圖令我忍氣聲
難吞

題豐考功艸書千文卷爲賈芸樵同年作

說經不耐墨考功附會傳注欺童蒙其人恢疏有謫智顧於書
律巧力充天一閣上藏度富傳聞范氏得自豐叢叢碑版盡宋

墨最古國令與劉熊固宜淡醢金石味意思沈厚神清雄千文
狂艸果健筆收藏賞歎天瓶翁有得天賦尋常札牘頗頗見豈知大
有顛素風海國清明正陰雨忽然開卷騰晴虹

贈楊少銘軍門時與郭軍門由海道援閩

常州城邊賊勢靡大將忽驚中槍子洞胸建背不知死尙能步
出二三里時有戈登助摩壘謂彼國醫能療此敷以膏漿動刀
匕吐出胸中惡血水劑量三月復厥始後來轉戰氣益砥連城
報捷奏功偉祇今駐師黃浦溪邂逅老媛談無底袒胸示我傷
可指其規如錢痕尙紫令我驚憐又歎喜此福將來難度揆異
哉三十歲方綺出師統隊十年矣腹中甲兵有文理非可赳赳
武夫比蜀中將種推楊氏如君磊落更奇士指日投戈講書史
定掌封圻整綱紀

國家中興由積累天生豪傑竝時起海路幾千視猶咫樓船疾
渡不停晷寄聲吾鄉郭子美同埽賊氛閩境救今日楊郭昔郭
李麟閣圖形兩少年煖寒書勳篋筆俟

題王漁洋古夫子亭圖爲陳芝亭

嘉幹作

程松門畫置谿題詩據張苧村云松門以乾筆枯墨作
畫知此可與論漁洋之詩因疵後人以媚媚目漁洋者
爲不知漁洋殊可不必且此畫亦竝非乾筆枯墨也

亭臨魚子水題作古夫子鼎落新安士渲皴第二圖詩情本娟
秀畫境亦敷腴何苦生歧辨斷斷笑寶蘇

題黃竹廬畫靈巖山館圖

竹廬者項傳秀才之後項傳者以百聲詩爲吳梅邨所
推重竹廬與秋颿尚書同時爲作此圖有石庵夢樓諸

題詠畢氏微後山館歸蔣氏近年兵燹山館無存靈巖
山色亦不可復識而是圖爲竹廬曾孫受益所得亂中
又失而復得余游滬上與受益邂逅蓋別又八年矣抱
圖索題可爲慨幸

五嶽歸來未白頭吳門重作冶春游故人幾輩能無恙鄧尉靈
巖似舊不

履痕衫影幾曾通曾上高峯看太湖一權重來三十載山容非
復舊吳姝

詞章攷訂數秋颿科第勲名亦不凡山館叢叢遺集在百年占
取好靈巖

百聲一集重梅邨儒雅流傳幾葉孫忽證詩禪參畫果雨飛風
灑木樨園

名山一曠劫灰餘妙畫通靈黃竹廬賢裔藹然敦宿好珍收遺墨等璫璣

三月二十三日恭紀

本朝家法古無前同治眞如順治然一統

大清全盛日十齡

天子中興年春官正走千街馬埃火應清萬里煙海上雞棲仍

九叩微臣心到

五雲邊

題姚梅伯同年畫梅冊

冊爲蔣劔人

敦復

所藏劔人與梅伯至交爲作墓誌梅

伯以甲子五月逝年方六十

當年狂醉客京華咳唾詩詞爛若霞奇氣輪囷仍未洩筆尖飛

出萬梅花

語別江亭忽廿年塵匳遺墨已蕭然驚逢晚歲槎牙筆海上移情歎絕絃

野橋梅伯費詳猜老去清狂號大梅我亦耽梅有奇癖故人儻入夢魂來

箸述當時已等身後來才筆更無倫諸郎應解傳遺藁古誼難逢蔣劍人

題孫子和

義鈞

延秋雅集圖

借它林壑寫秋光鋪染胸中書傳香可惜生前太矜重幾家屏障有孫郎

補壽員芸樵同年六十時與秦澹如龔孝拱奉陪法華鎮看牡丹君於泥溝中尋花往來最爲健特

芸窗今年才六十
媛翁差長又加七
羨君有子早登瀛
蕩節掄才采華實
老翁何苦守簿書
官符訟牒皓眉鬚
聲名占徧江南好
風土何如冀北都
樓上圖書樓下客
一日登降何止百人言
努力因習勤君謂好
勞久成癖我游滬濱
偶畱滯要閱江海大
形勢與君似有夙世
緣爲我淡籌晚莊計
迂疏跌宕隨天真不
惟不怪反益親連日
招邀看花去欲歸未
歸真好春今年四月十一日立
今年牡丹花頗少
寺園邨舍來幽討
看君健步泥雨中路
旁兒童多笑倒法華
古鎮花所家離落空
見枝橫邪孤芳賸藥
倍矜重想見愛才如
此花六十稱壽不爲
僭莫惜歌嬌兼酒釀
我雖後至意蓋懃大
貳補酬香蟻盞

滬上雜書

新闢纔開老闢過
樓臺金碧照江波
愁風悶雨人無寐
海國平

分鬼氣多

景教流傳久失真中原耆利竟忘身最憐彼法通行後地下應無有眼人

爲痛前王敢殺身三年議事讓臣民女君竟識中華禮夫婦居然大倫

駕火輪船處處通火輪車法倍玲瓏馬車更奪中原路好到吳淞喫海風

黃浦江心積漸填淺灘往往閣輪船何年漲出吳淞口還我中原海與天

題翟明所裝字卷

世上爭傳媛女書可憐眞廣費猜摹多年侍硯聰明到廢紙裝池意思殊不想尋常隨手抹居然縱逸得神腴擢燒拉雜知多

少夜夜光騰惜字鑪

杭州哭姪女彤雲墓

小時日日戀吾懷今日桂花溪處理愴汝賢郎遺挂念賴吾嬌
女續絲諧春明記已哀詞寫浙水仍將老淚揩與汝世緣殊不
薄幾多嬰冢在天涯

贈蔣薌泉

問年三十有三歲手綰藩條已十年武略精奇經百戰吏材精
敏冠諸賢性情發越一真足士庶歡騰萬氣聯試到城中與鄉
里頌聲都爲蔣侯偏

淨慈靈隱三天竺全爲賊燬

低眉不救人間劫枉向山中號菩薩可憐面目尙莊嚴無奈腰
脊盡割割倖哉靈隱古應真五百止壞十七尊蔣侯布施亟補

望謂是足慰杭州人君不見天竺一燬餘殘棋小觀音象先崇
奉燒香頂禮不停躅看它蓮界鬘雲幾時湧

別杭州

憶昔三十有三歲濫與明經選優貢先公典試卽督學壯懷初
向浙游縱趨庭汲汲湘抵越梅花未破西湖凍同時諸友果英
傑後來詞林翺三鳳當時兼有吳魯賢誼經研史相錯綜儀徵
舊題桃李門隔三十春纔補種文風士氣大振興宿學鴻才歸
罄控得閒便作湖上游野鶴閒鷗發奇哢新詩爛漫接羣彥妙
畫淋漓有吾仲後來七次到杭州多少湖山印奇夢於今老作
東南游又逢浩劫增悽痛人丁十戶餘二三

命免錢糧仍脫空西湖歲修更誰問尊菜香荒堆積蔣侯少
年吾敬愛武功吏事獨倡眾性情所至風雨疾正鵠懸時弓弩

中與君固係通家舊相待全非客情俱連日邀上西湖亭又苦
悶嘗端午糴同城大吏盡時賢與我忘形荷推重高談驚座無
疵瑕病擊作書更何用湖心亭架幾時完莫太經營損清俸況
兼覺舍大培育又爲嫠嬰拓幷幃大江南北竝肅清浙水東西
盛絃誦冷泉精舍如有成待我來倡樂職頌杭州悵別成此詩
艸艸何堪付磨礱

釣臺

潛身爲把姓名逃想見漁竿在此操無奈江河日趨下幾曾真
箇釣臺高

喜晤子敬三弟時回湘先過小橋莊居閏五月望日

雨聲暫慰客懷孤元氣三湘漸可蘇試問東鄉老農父今年農
事有秋無

游記蒼茫不耐看直將酷暑易嚴寒來年儻赴梅花約一權重

游興未闌

江南友人有來歲梅花書院之約

賀李幼梅入學

磨鍊真成九轉丹近來消瘦似寒酸敢云家世承華膺第一初
枕進學難

學海頽波不可回頭巾久被世疑猜真龍騰鼎從人認賈范當
年亦秀才

金花采勝爛生光雅稱藍衫玉面郎靜待清風祛溽暑先秋已
送桂枝香

芋園幽異好池亭海粟樓前帶艸馨想見研覃經史暇吟詩聲
有鶴來聽

祖父登瀛竝值辰

文恭公壬辰梅生甲辰皆辰年館選

來科屈指戊辰春祝君努

力繩前武三世聯翩侍從臣

雨後

湘簾斗覺嫩涼生一陣狂風雨更橫屈指浹旬初伏後跳珠又

作滿堂聲

初伏日雨故
二伏亦應之

空溝忽似決渠流但少坳堂芥作舟最好窗前疏竹影避人煙

外已吟秋

老安披襟笑舉杯炎天懷抱向誰開諸孫繞砌爭敲韵雷雨蒼
茫試汝才

雨止仍蒸夕照紅餘霞光落酒杯中無端電影止還作遠有雷

聲西復東

萬壑雲峯忽化煙佳晴正是養禾天從今算到三庚候夜夜清

尊對月圓

立秋日于蕃有詩和韵

閱徧東南境天心亦太秋江山千古在蒼赤幾家畱幸際中興
盛何時餘孽休歸來正炎暑安飽豈遑求

炎暑今年最時光忽報秋湖湘地安穩城野氣清幽客曳尋詩
屐家如不繫舟新涼思一醉難得酒家樓

于蕃由鄉閒回有觀穫詩作此荅之

半月不見彭于蕃要看收穫歸田園每年得穀二百石堪與兒
孫救飢瘠無人不道年歲好豈料成功食難飽得雨太遲風過
多百石纔收五十籬貌雖庭碩內虛歉不到穫時誰點檢開徵
期至無報灾農人暗泣中心摧況復東鄰與西鄙豐儉又非一
例比東家說苦西家甜催科難與細分占我亦有田資果腹茅
屋秋風看打穀田家之苦非不知軍儲國稅將問誰安得劔戟

化農器普天率土皆豐歲最憐吳越雨肅清勸農借種又免征
臥喪流亡未可復膏腴千里無人耕

李芥生續姻張氏小詩戲賀

頌滿房州比召棠暫拋巾佩學牛郎鵲橋乍有人先渡難免天
孫笑汝狂

竹馬兒童夾路要翩然揮手別同僚誰知三徑歸來日爲賦閒
情再折腰

琴堂愴念雉朝飛特爲循陔著采衣轉眼巴東來福曜小星隨
月好光輝

好天良夜露華滋金粟秋香結子時姊妹於今成娣姒玉臺酬
和各填旒

和彭子蕃曠寄園看秋柳

今年盛暑殊常歲硯水枯餘筆頭碎參差新篠幸已活酷烈驕
陽苦難避曠寄園中垂柳多未秋已解千婆娑況從白露屆時
節想見青條相嬋阿池邊樹底來漁父不識曾逢主人否歸來
揮翰風雨作秋心乍入先生手萬柳堂前盛宴開春明往事首
重回平生怕聽蕭騷響政復相憐跌宕才

中秋荅于菴和熊雨廬韻兩君皆辛卯優貢同年也

狂游乍返東南權暫卸風颿御隻輪殘暑遲畱款佳節澹懷卻
掃得閒身長空萬里無雲夜曲几三更看月人此際曠懷相似
否未須頻問酒家鄰

同年翔步成前輩鴻筆真扶大雅輪外擢藉酬敷歷志宦成畱
得苦吟身滇南風土抒詩史君著有滇南風土集湘上漁舟作散人莫對
秋蟾悵離別東鄉方擬作比鄰

平分秋色成詩識卅載風煙若轉輪報

國正多投筆願延年休負讀書身空庭步月誰同調竝歲明經
牘幾人若得吟筒勤往復城鄉何異接芳鄰

此首東雨臨久不來城矣

送惲次山中丞返常州

君家居石橋

菊花初黃霜未白風葉漸聞鳴策策陽湖中丞繫懷想聞道詰
朝挂颿席憶昔一麾鼎州守朗江清清碑在口榮褰繡憶綰藩
條驟擁雙旌

天寵厚神明精悍包萬夫安良戢莠如追逋外雖巖峻內溫煦
吏所震慄民歡愉尺籍差池來更責其時賢豪同太息正宜巨
壑軒祥麟乍有顛風騶迅翼詞垣夙託文字契屢傾懷抱論時
事一官落拓我何用稽古勲名君可寄精彊自恃不齟約萬緒
躬親嚴囊箠每聞減餐失寢寐苦勸節勞宜灑落肝鬲偶滯連

伏秋頗疏酒盃親藥甌旬日不見成痿鶴土思正好隨閒鷗
然遽買湘中櫂日聽沿湘頌郇召東山再起公論宜南浦懷人
私戀繞我游甫自吳越歸城郭猶是人民稀石橋老屋儻無恙
萬家蒼赤知何依拂巾且作江湖長桑梓歸來恭敬廣勉佐
中興籌餉謀繫邦國民周九兩

同楊性農次王子壽詩韵兼懷吳南屏

一夜奇霜林葉紫五更月氣清過水江山友朋森滿抱酒醒
回千萬里安得四海共此庭不勞整駕兼揚舲喜君西來值重
九爲插黃花香白首

楓樓北望何處盡俊彥接迹升青霄五兵未見戢干戈九奏何
暇鏘英韶投閒聊有文字樂老去游蹤都落落王郎久客息壤
城吳子高吟呂仙閣徑路闊絕通雲風情性所至接虛空洞庭

一水照顏色何殊竝坐瓊瑤宮笑我好游容易出鷗鷺扁舟其
浮沒甫撥珠母窮嶺嶠又弔殘黎繞吳越山中儒生自蒐瑣閉
戶塞向親燈火行百里路已道難把一卷書堅自可如君庶免
嘲醯雞欲窺乾坤古端倪忽攜頑僕荷笠走不顧幼婦持機噓
去年馳禮紫蓋仙今年規上君山船勸君欲往徑須往風雪漸
已催歲年王郎吳子儻刻促爲道相思日不足雖無尺素寄蘭
茝儻飲新篇勝臨醵杖頭夜夜星光綠

題鄒太僕會試硃卷後

鄒資山學傳

湘側

出示十一世祖見岳公

延望

嘉靖壬

戌科會試硃卷公由上蔡縣知縣行取戶部主事推稅
臨清關出守鳳翔府升甘肅行太僕寺少卿兼莊浪兵
備僉事在莊浪四載甚著成績以養親乞歸不復出

狀元申文定會元王文肅嘉靖壬戌春榜盛後來名臣踵相續

偉哉吾鄉鄒道吾曾年曾見朱家錄王辰購得朱竹垞類稿倏逾

卅歲觀賢裔硃卷爛然來我目四書首題助致身論題特推君

道尊合之瑤泉大廷對主上自聖嚴責臣惟公五策論忼慨砥

時政制虜責將帥防倭重守令易地有殊施醫國先察病允宜

莊浪聞威績餘愛敬是年廷對後分宜罷樞柄速越丁卯春江

陵翊隆慶士氣既大伸武功亦漸勁惜公迫勇退所施不獲竟

資山學博道味真是爲公十一世孫言公蚤歸緣奉親恬不再

出三十春洋谿構亭榜實賓今爲祠宇羞藻蘋後裔男子逾千

人詩書科目永誦芬奉持遺卷來討論編入文徵期不泯仁孝

亦可薄俗敦三百四年至此晨初冬作寒霜到門我爲莊誦氣

尚振它作難采片紙珍斯文已堪權陸鄰笑論會狀王與申

錢南園先生爲羅慎齋先生畫馬題後爲何生舍人作

錢公督學湘中時羅公久爲嶽麓師麓山從游所激賞學使甄
取無脫遺兩公科第隔廿年詞垣諫垣同職司彈劾不避權與
勢慙直有如規且隨先公晉補弟子員錢公實有國士知服習
誨言比箴頌護持遺墨如鼎彝羅公說經騁私臆壇坫乃爲湘
士推先公未入麓山社頗爲兒輩言其疵錢公壽羅公謂能名
教持證之嚴陶丈人語德望不因經術卑樂園雲汀兩先生皆
以余不及見顧齋先
生爲錢公大名自千載兼以楮墨能娛嬉書摩魯國壘筆如沙
上錐作畫如作書元氣鋪淋漓卽此獨馬圖蓋爲羅公貌崑崎
或者自寫真崛強肖天姿不然驥稱德馮非足奇何爲特作
勃怒勢奮躍人立不受羈王良伯樂世無有圉人大僕空爾爲
想當作畫時二老對拈髭語淡湘上雨狂落手中卮錢公吟思

豪一笑忘其詩

款題慎齋前筆一榮

羅公嬭下筆年高得無衰誦芬有從

孫出畫重裱池

謂我重錢蹟題記當不辭餘風幸未沫我生豈

爲遲初冬霜後

寒雨來庭下傲菊餘幾枝酒酣潑墨恣一寫論

議不顧旁人欬

十月十二日約黃海華胡恕堂張東墅楊性農羅研生

李次青小集吾齋爲消寒第一集次青見示所輯

國朝先正事略感歎有作

紹基

簪直史館恭錄

高宗實錄得四十冊欲以繼東華錄之後也丙午充提調因館

中照例進書皆一二品大臣傳無三品以下傳雖經

高宗屢次嚴旨申諭史館乃因循至今因擬條例欲徧蒐官

書及前人文集補辦國初以來三品以下名臣各傳商

之總裁穆師相堅不見允余卽日辭提調矣先是辦列傳畫一見乾隆以前各傳於字號及家世著述皆載入嘉慶以後則非官牘所有者一字不許闌入今次書所輯指日成書以後源源繼之豈非我

朝一大掌故哉研生於修忠義錄之暇蒐輯沅湘文徵李小泉中丞復議修湖南通志海華恕堂東墅性農皆勛學箸書期有傳於後者贊議古賢斟酌時事寒雨滴階盡歡始散今日之聚信非偶然時余主講城南書院之弟三年也

大清同治歲乙丑二百二十有二年東南漸已掃妖祲西北尙緩弢戈鋌三湘蚤脫兵火厄老夫忝與文字緣清霜戒寒雪未落殘菊猶傲梅初妍呼尊折柬集儔侶論文道古相磨鐫平江

李子秉特識先正事略成巨編堪爲

國史補缺憾亦令後學知古先是雖私書中律令仰挹經心窺聖權源惟

純皇屢申誠立傳貴采人才賢如何一例尙崇秩三品以下咸缺焉因循故事不急敕敷衍官牘多局踈刪除學術及家事苟且畫一尤歧偏小子管直史館久伏讀

實錄勤丹鉛謂名臣傳當補葺官書別集堪源沿時逢監修不省錄見謂多事轉護前同館諸賢盡太息徑舜提調身翩然後來使節牛馬走每念東華魂寢懸十年閒散鰲鶴性萬里浩蕩江湖天忽聞編摩志有合不禁感激喜欲顛若非肝膽照今古豈免煤腐隨雲煙取之貴博事愈粵前有可守後乃傳吾鄉大啟文獻事一座況皆才筆專汗青頭白敢不勉學衰道微誰與

肩武功烜赫在區宇會見

中興文事光氣騰奎躔

恕堂老兄招集曠寄園爲消寒第二集佳肴紛進冬葵
後出乃園畦新摘者雋味無比竟爲薄醉詩以美之

菊花不比簪年好更歎人家酒杯少一秋吟事頗岑寂未免獨
酌悽懷抱消寒初集集吾舍一爲諸公滌煩惱曠園主人續有
約又見雪泥印鴻爪冬葵一味有何奇難得滋合風露飽頓令
八簋失芳腴再進百觥盡傾倒田家野味有同書仕宦歸來嫌
不巧主人種花兼種菜晴雨斟酌量常起蚤多年榮荷持節重豈
是甘爲灌園老要知農圃悉民事貴扶元氣還蒼昊一簪真能
見本根萬家容易回枯槁吾言誇矣君大笑但有菜根願同敵
和彭子蕃賞菊次元韵

朝朝蚤起送駒光漸少諸生到講堂笑我三秋常獨酌偶將高
詠賞孤芳羨君蠟展閒尋友到處金英對舉礪風浪潑天初雪
到詩人仍爲看花忙

艸艸今年菊已闌庭前叢竹尙平安養成佳士才猶易培護高
人事本難海內文章誰結社湘中風雅到消寒待君添入耆英
會也作中興氣象觀

奉題羅慎齋鴻臚嘉慶丁卯重宴鹿鳴圖爲研生舍人
作時乙丑仲冬月五日冬至節集於胡恕堂中丞之曠
寄園研翁屬先作詩卽邀曹穎生中丞黃海華張東墅
彭子蕃三觀察李次青廉訪歐信甫太守同作

圖成六十年畫外無一字當時老鴻臚嬾事詩與記第于十八
人扶輿儼趨侍其中多雋才後或陟崇位蒼涼此卷中名姓無

題識圖傳與不傳神鬼豈呵庇安
保荒山根不隨樵火棄明經
賢從孫赴道渴如驥蒐輯沅湘文
討論乾嘉事謂是鄉乘光敢
作家珍祕贈以新綿錦出之古篋
笥題詠慎擇人文章匪游戲
欣聞諸彥集欲以拙詩贄余年
三十七僥倖領秋試叨陪萃野
游聊洗矮簷淚若卜重宴期當作
百歲計居然春官選躋廟香
案吏嶺海英蕩節殿閣雲霄翅
三年視蜀學是公舊游地頗聞
彼都頌謂可前軌嗣謫官自省咎
建言信非易何如名御史伏
蒲昭譴議散漫竟無成位業兩俱
媿烏乎科目事何曾有成例
邇來廿八科秋元聯捷四如公不
必然丁卯逮辛未後生景前
哲效其事與志高名羅慎齋教澤
三湘被我未及握衣今濫主
講肆亦擬撤皋比空自兀鰥鱗
咎展昆明集錢南園通政文集有壽敘推許
見高誼巖陶兩丈人惜我垂帶悸
雲汀樂園兩先生皆以我鄉不及見慎齋先生爲憾鄉

邦時典型圖像瞻益粹遺文雖未覩隆望如可跂旃蒙赤奮若
中興值同治戊子月甲寅五夜日南至消寒第三集山園開曠
寄披圖語鹿鳴數典比雞次上元甲子歲題篆在秋季麝煤捫
尙溼牛耳執難避一年積吟寢萬里騁游轡嗟哉吳越鄉遺民
幾老穉尙幸瀟湘閒英多起名帥軍事漸激肅羣才逾勉勤吾
儕宦游倦未可浪蕩醉稍宜近文字差勝逐聲利千年太保家
新好脯來餽李仲雲通饒鹿肉酩酊詩先成劇望飛雲墜

次韵荅彭于蕃賦冬葵

于蕃前輩性夷曠詩境仿佛楊誠齋尋常接句不檢韵忽尋仄
徑押九佳壯游甫自鶴樓返酸寒一笑逢吾儕曠寄園中水竹
闕登高觀物良友偕別來三日不見雪未免歲事繁吾懷號寒
諸嬰且跳浪御冬旨畜宜安排大孫解事日賣字小婦著忙先

典釵入釜新來道州麪然鑪預買瀏陽柴蕉腰差堪慰眼底

連食鹿肉李仲雲餽

杞憂旋復馳天涯捷書已報走閩粵軍務又聞連濟

淮日下音書說安謐中興氣象方滋芼

兩次得都寓書

一陽來復節頗

蚤九老乍集肩相挨

消寒以來此九人俱集

鹿鳴舊圖要敲句煖交鼉

屬先升階不覺千言快脫手但謀一醉舒其骸山雞鱗鯉自鄂

至雋品先集邇泰街冬葵一味我獨耆敢謂國人所好皆何苦

隨聲唱且和不問眾口合與乖芸籤雖香冷難近木硯本滑澀

可指老夫晨起艱得菜不解古人貧有鮭休嗤謝庾務虛誕且

效韓孟相嬉諧

東洲艸堂詩鈔卷二十八

道州 何紹基 子貞

贈曹穎生

丙寅

丙寅正月朔四日艸堂開筵試春酒五客一主不拘束曹子後
來居客右始知君年正七十手把一尊爲雅壽宛圍曠園續有
集賤子叨陪焉敢後逾旬便值華誕辰未免蒼涼搔白首憶昔
使節視蜀學君巡西川歲維丑渝州士氣如干城觀察高才抗
陵阜我方懷抱在全蜀君亦籌量係夔口軍興轉瞬十餘載時
事仔肩幾人手逮君建節桂林城我已投紱湘山藪誰期握手
一大笑招隱前盟不吾負不材旣免作梁棟小築聊堪問菘韭
鄂中近事復搖蕩湘上春波正清潏

次韵和黃南坡新開蔬圃時爲題寒畦兩大字

行徧江津與海涯歸來嬾復向人誇
賃廬喜種緣階竹隔巷貪看別院花
游倦自憐饒得老心安真覺易為家
去年今日吳淞

路正狀天輪賦木華兩次坐輪船出吳淞口觀海

歲寒諸友各天涯忽萃耆英盛會誇
縱酒氣浮空際月敲詩雪

湧筆頭花古來良史誰完璧海內名
篇幾作家惟有東鄰宛園

變不隨壇坫競才華去冬與黃海華胡想堂曹穎生李次青楊性農羅研生彭子蕃張東墅諸君為消寒

會論史評文詩事頗盛惟君辭不至

邀我題楊照水涯寒畦兩字不矜誇
待傾除歲凍醅酒來看破

春油菜花鴻爪不受辛千百印雞飛嫌隔五三家
且欣各有含飴

樂笑聽兒孫誦白華

樹石亭臺都有涯平康綠野亦徒誇
且尋幾畝鋤荒地多種無

名野艸花春煥蜚蜂有先覺水寬鷗鷺共浮家
回頭四十年來

事二老差堪語歲華

論交四十年眼中朋
舊未有蚤於君者

窗前新種竹十餘竿忽有雙鵲來棲暮至晨去已月餘
矣風雪雷雨不避時乙丑丙寅臘正閒也

種竹十餘竿厥瘦僅盈指翩然雙鵲至絮語向人喜乍覺書堂
中佳氣到榻几漫天雪壓重竹折不能起呼童强扶立枝葉
堪理雙鵲仍夜來搖振相依倚黎明人事作始去狎雲水多少
喬木林結巢慎所止

每日薄暮至安宿至天明將飛且拍翼欲噪先試聲裏同別我
去朋侶相和鳴臘底風雪虐蚤春雷雨盈竹葉不敲軀瘦枝無
數葦雙棲別上下搖蕩不少驚乃知汝性定夷險無變更依依
傍吾廬媿憫一時并

爲大孫新闢書齋

爆竹聲中節候遷老夫忘卻是新年憑依杯底廢溫物收納胸
中浩盪天培就叢篁都浥露種來新柳欲搖煙兩年賃廡難舒
展想到詩孫几案邊

幼解吟詠字之日詩孫

儒生心地要光明斗室先宜汎埽清乍可縱橫開畫本何妨割
據占書城漸疏賓從閒游迹愛聽兒孫朗誦聲側耳檐前雙鵲
語小園明日放新晴

恕堂招同南坡穎生于蕃至慶春園小酌于蕃有詩次
韵荅之

半是平房半是樓水聲正挾雨聲流恰逢耆耄成新集同諧東
南憶舊游交字難忘千載事烽煙漸洗十年愁紗籠笑拂塗鴉
舊道脈人才氣味畱

壁上有余舊書聯句云詞苑根源皆道脈地靈際會起人才

無園種菜

一年無日不開樽忽作商量到茶根良友過從休索酒請先看
我好無園

園林容易長巴蕉滿檐攔回自小橋誰想連旬逢好雨蕉心難
展菜秧驕

菜秧挑自兩鄉來都是吾家隔歲胎難得胡黃兩寶交名園分

惠好根荄

東鄉三弟處北鄉二姊處
並恕堂南坡俱分菜秧來

正是城南起課時老翁懷抱有春知添來半月閒忙味補竹栽
花並鑿池

池心種藕不多時已有亭亭出水枝不羨鄰家看花早但能花

好不嫌遲

南坡處荷
花已開

矮作敲篷半整斜似籬笆不似籬笆清晨露水滋涵後又是一
層瓜豆花

街頭買菜亦尋常種向家園特地香
恰好苦瓜紅莧菜端陽先供祖先堂

閉門種菜得閒閒做屋何嫌近市閭
題作無園園已有吾園正在有無閒

歲寒雙鵲久相依節過清明何處歸
今日好風涼雨後翩然念舊繞梁飛

五更風露有精神浩蕩天恩處處勻
菜色青蔥真可愛如何比擬到飢民

可笑多年肉食人老來風味土膏真
手鋤隙地無三丈如見農家萬井春

青瓊而外有長鑣迴首濂谿與月巖
縱有珍肴供滿眼每餐未

許缺

或道州醃菜名酸鹹余每餐必需此下咽

幾番猛雨挾橫風欲捲蓬廬上太空前後中間三院竹一齊笑舞向蟬翁

卻埽剛嫌剝啄頻迴車未怕達官嗔要將寂寞蕭閒意容受峯

崎歷落人

向來門無閉賓今漸嬾矣

竟日沈酣書卷中呼杯剛對夜鐙紅醉餘一枕貪眠好莫誤明

朝起早功

酌必以夜無日不早起

夜夜不離車與舟膠中勤補醒時游好乘健臂如雙翅快與翱

翔徧九州

夜必騰出游又時常騰飛

添植新篁密更清毵毵柳綠陰成靜中已到山溪處試聽鉤

輶野鳥聲

上虞王子振奇人枉過無園索寫真正是嶽雲攜滿袖筆端靈

氣與傳神

王蘭峯詩爲作無園種菜圖

羅研生出示隋文毅題麓山寺碑詩用義山韓碑韵屬
余繼作

文毅所藏二本一爲陳恪勤公故物一爲太翁莫江先
生手拓本文毅有覆刻本頗多錯誤殆鉤勒者失真耳
研生攷訂是碑甚勤徧尋各家拓本以吾所收兩本爲
最古頻尋借閱今始見還也時丙寅四月下瀚

學書重骨不重姿早窺古意薄獻義初唐祿敘妄貪取千載筆
勢歸陵夷明皇手挽乃天縱岱銘氣壓千熊龍石臺孝經亦沈
厚不沿祖法爲指麾山陰科臼得埽盪蕪海顏波慙主持顏公
李公應時出書壇竝樹大將旗魯國書名蓋天壤後來趨步難
肩隨北海法門又一變香象渡河吞虎貔無如風尙喜妍媚動
以豪快相警警又云兩公踵王法凡造傳訣編支辭神骨自有

本色在生氣豈傷它人爲森立碑版其照世想互矜賞同辟頤
梅根久抱蘄碑臥古拓新本鋪淋漓昨過古荷池舍語見示印
心石屋詩所據滄洲舊珍冊副以楹盤輝家墀覆刻雖多襲前
謬傳句自足張此碑若非多本細參斟忽令蛇蚓淆蛟螭吾收
宋墨竟得耦天畀古福疑有私兩公遺刻世不少半世搜度勤
裒治活谿大字曾手拓至今雪氣寒心脾手冒雪谷山巨石麓山碑系
用谷山屢摩誦兼及記贊碑陰詞吾鄉歐褚炳初造復來顏李光
重熙真行步武傑自樹篆分模矩迫可追如何宋後染閣派鼎
潭摹勒紛癡牴典型巍然峙湘滸願執筆者慎始基

爲彭子蕃書扇卽以贈別扇一面爲癸亥年宣少黼畫
於成都

一握清風蜀道經鶴樓歸去又揚舲盼君別後能相憶時寄新

詩過洞庭

東洲典堂詩集卷二十八

五

彭子蕃惠題無園種菜圖次韵奉荅卽以贈別

幾人勛業將與相敷歷辛勤增老狀幾人迴翔卽與卿論思獻
納易取名與君幸無不得意我苦城居難得地君忽命權指鄂
州湖水渺渺山脩脩鄂中故人久延佇湘上寄廬多匹儔薄田
不復戀橘洲賣爲婦孺謀養羞連日蔬盤隨所好畱別餞行相
視笑無園種菜初借根余園中菜秧皆自南坡想堂處分來怡園故事說燔豚居怡園昔年酒樓以燒豬著名且喜追陪有蜀士余蜀中門人又復跌宕來棠
孫係崇孫與君同出先公門老來何事爲至樂時課新詩當秋穫精神豈恃
黎棗傳此事茫茫惟問天文字因緣有何限幾時同年再相見
辛卯優貢同年辰星可數相見依然能把鉏或堪畫作耦耕圖
熊雨廳來詩道及悵悵
一手揮毫一把鉏君來詩句

石交圖詩爲鄧守之作

懷甯布衣鄧完伯奇氣陵嶮當代隻徧陟名山涉怪水支撐巨
筮軒高展挽閒枊出筴分勢掃盡古來姿媚格作印何嘗等游
戲耿耿元精壽金石宣州老儒梅石居文穆公孫舊德餘家藏
金石精且夥畱鄧子住供樵漁園居幽懿古味足古到竹木禽
蟲魚兩翁風貌誰寫似一靜一傲諧襟裾雙鶴壽逾三百歲鄧
子與之身命繫後來鶴灰江光空鄧子神骨翩同逝圖成此今
餘百年典型炳耀江南天近來兵燹十年酷此圖光氣懸星躔
石居之孫石如子與我多年契蘭芷伯言遺集冀可傳守之人
書俱老矣崦嵫少照如初暎又滌皖鄂窮湘沅鐵硯山房幸無
恙歸課扶牀洛誦孫守之老益健
有孫奇慧

送沈小鵬暫歸越州

鄉廩多年到越州不期七十已過頭半生橐筆真豪氣萬里乘
風忽壯游竹下杯盤成小別河西閭井共豐收爲余試訪鴻泥
迹題句籠紗幾處畱

瀏陽合

我聞瀏陽令勤廉愛黎烝自從五月來旱象已有徵連晨步禱
虔香煙心所凝率其士及民徧叩谷與陵回衙理詞訟冠帶仍
兢兢積贖盡埽滌吏役凜規繩每日晨及暮汗出幾斗升卽此
是銷暑滿堂無一蠅仍媿澤肺腑未足潤畦塍豈知民氣洽能
感上帝矜滂沱四五日歛歲同豐登會垣官府多尊卑不相凌
大府憚祈請屬吏謝不能遂使百里遙片澤難貸稱始知宰一
縣百事自肩承休戚得勤卹人神有依憑嗟余坐無事苦熱老
難勝日中每廢餐中夜亦屢興五鼓無露水萬木如薪蒸挑鋸

不敢近書此空拊膺

送周步瀛軍門

禮濂往江南

吾友周步瀛神力最精悍妙有儒將風親我琴與璞從軍十餘
載所至不疎懣憶攻常熟城賊勢堅逾緩吾軍轉戰前已若石
投卵賊中固有人礮子巨如盤直中周將軍裹血不及轡天公
特有意鑒汝身膽滿欲彰百戰勳許奪一隻眼將軍初不知一
怒塞其竅大呼賊氣脫倒戈如堵版遂以千熊罷蹋平萬町曠
綜其前後戰積庸何可算東南漸清夷同人秉圭瓊時命各伸
屈歸耕壘巖嶮比聞江上事可樂待滌剗復有據鞍志肯作荷
鋤嬾款門忽來別我爲一笑莞壯哉子行矣秋風漸寥坦賊奴
敢來前視此一目睥

送陳雪廬歸皖中

東集州堂詩卷二十八
七
霜露烽煙不敢侵天留伏鄭式儒林禮堂寫定千秋業湖海周
流尚友心衡嶽洞庭添藻繡古懷時感備商榷歸舟風月清無
價莫費精神更苦吟

楊海琴得蓬心先生涪谿讀碑圖喜而有作用山谷韵
四首卽送其回辰沅道任

楊侯備兵巡五谿威惠騰浹萬口碑迴思昔守永州日事兼保
障與繭絲我曾一再憩郡閣醉騎竹馬隨羣兒自從露冕馳而
西人懷棠蔭如失棲豈知使君愛山水正擬卜築涪谿爲當季
蓬樵作郡久寶吾先公童試師紳耆謳頌未歇息巖岫煙雲歸
染揮十季政成拂衣去意在戒得高無危靈巖尚書廳樓守甚
重其畫張以詩君來更肆檣古力采盡宋後鐫崖詞篋與葉艇
偶一出詩仙字鬼疑相隨涪谿句畱一事耳刻劃不顧山靈悲

蓬樵老守游涪谿手拓元顏三絕碑蘭泉萃編據入錄謂其精
審究髮絲後來打本苦率易政堪易餅供饒兒邇幸巨寇起粵
西洞庭南北無安棲楊侯守此埽餘燼練軍籌饗瘁力爲漸得
清夷乃諏古元文顏筆皆所師浩薛剔除本真露蠶蠟嫻靜手
眼揮臥觀日與石鏡狎登躡不覺孤亭危誅茆三閒闢翳蔚藁
筆羣彥紛譌詩笑峴亭前擷遁景猗玕子後增瓊詞讀碑妙圖
不脛至精誠所感奇緣隨蓬樵有靈此託付陵谷庶免無窮悲
我生浪漫窮山谿愛按古來荒輿碑爬羅不憚繭吾踵浸潤嗟
同盟染絲楊侯此事有同癖白云性近由童兒游輓早徧川東
西通籍史館輦下棲溫文侍從豈易出輪鞅不由人力爲我於
游事天所私乘輶四出人稱師干郵每逐蛇徑繞萬怪來瞻緩
臂揮但聞名蹟與古刻不憚臨溪兼履危每與君談氣一騁欲

證所見觀吾詩君於東南未身踐但甄志乘多虛詞徑宜涪緣
暫割舍會見叢岫相奔隨一邱一壑固自好眼界局促吾所悲

余爲篆涪
緣二字

苦熱涸盡田閒谿谿頭曬裂修橋碑兵戈未戢水旱至今季各
省非水
即民命絕續細若絲半生不解問生計晚歲未免煩吾兒薄田
瑣碎湘東西乾荒敢望餘糧棲夏至三庚後更酷老夫百事無
可爲病渴惟思井底伏汗顏尙作城南師喜君來有幾時聚又
聞返旆手怕揮職鎮諸蠻厚自勉志有千載尤知危忽聽冷風
偶到竹堂有好雨來催詩海華黃兄亦得郡急思見面爲別詞
來宵杯盤小飲吳兼出卷用清芬隨暫拋時事少窮究皓月一
洗天人悲

送湯敏齋太常歸越州

季來幾度悵離羣風露淒清又送君五載飽看湘浦月扁舟笑
指越山雲故廬悵埽榭隨徑插架應添辟蠹芸一路篷窗好秋
色醉聽令子讀奇文賢郎文筆奇恣

哭釋女端雲

不聽號嬰廿七季掌中欣獲智珠圓哥哥嫂嫂呼偏昵字字杯
杯我最憐見書輒呼字字見酒呼杯杯五日呻吟魂遽化重陽風雨淚相煎
回思晨暮提攜慣懷抱何由慰眼前

和研生與同人重陽游馬王廟韻二首

長沙諸老宿誰是後凋松漸覺尋詩嬾兼之索酒慵先生如瘦
鶴幽院繞寒蛩正值高吟候相逢不倚筇
勝賞酬佳節新詩鬪野芳祇余傾老淚不忍說重陽夜冷風鐙
悄秋荒雨硯涼黃花何日爛重發舊時狂

九月廿六日卽事東楊性農

楊子買權來長沙芒屨走徧詩人家今季詩事苦蕭寂諸老瑟
縮如寒鴉東洲居士養疴久煩憂挫盡詩根芻何期搜索亦到
淺汲水爲羹家山茶城南唐家澹香室忽遣兩奴挑菊花羅列
堂前五色爛吾與楊子相歎嗟此花乃是詩介紹但恐格韻難
攀遮騷人豔說蘭與芷豈如秋英正而葩送客出門繞花看書
齋客坐位置嘉海舶萬里送酒至左季高送酒今日始開開
加難得好花遇名酒今夜免向東鄰賒南坡時常招飲幼孫癡解辨聲
韻命賦日精手頻又呈詩令我笑捧腹不古不律聲伊呀但得
諸孫共吟硯何惜百甕傾流霞近來醜酒甚多從來老圃珍晚節且看
衰翁題歲華夜淡霜露不知冷鐙前數徧枝橫斜

題左景喬自書詩冊

詩皆官中書時作

新詩有味勝含飴涼夜諸孫侍硯時回憶春明富
酬唱寢魂當繞

鳳皇池

酒餘清辨似懸河字理詩情倔彊多一代勳名歸恪靖可憐行
不得也
哥哥哲弟季高爵督由閩移秦余欲邀君往鄂一晤君以老病不欲往

送石襄臣同年由湘藩擢太常卿北上

生歿關頭豈容易遲疑不決乃常事屹然談笑讐強夷義色英
聲動天地生歿關頭有甚麼遲疑不決君守天津時在虜營中詞句也郡符才綰遽尹京又

躡常級權秋卿忽然出藩燕及楚華星南指遠更明

朝廷用賢有繩尺偶逢超踐驚破格鸞翔中外幾旋轉近年惟

有鄭小與石襄臣鄭公初解湘上船石公內擢翩如仙舊雨將離

甫一醉清風所被令三年同年氣誼甚聯貫剴論諧詞相點竄

喜公雅度不疵瑕令我迂懷增爛漫詩詞餘事見性真世閒浮
藻徒紛綸它日提衡鑄才彥便持此鑒閎陶甄雪花初飛水光
定兩岸青山一颿正無窮名業證初心輝耀人寰成景慶

喜雪作用前韵

閔雨得雨非容易催雪得雪更難事

余與恕堂研生俱有催雪詞

忽驚震電

疑愆陽敢望瓊瑰來被地今年晚熟歌坻京又將春及簡稼卿

淡冬恆煥苦不凍一夜雪光如許明閨澤下尺生上尺吾鄉農

倏不循格薄潤稍令土有膏生機自養田無后城南社散思買

船過湖去訪騎鶴仙病餘未免憚遠涉寒節矧復濱殘年迴思

出游有舊貫歲暮米鹽更思竄誰期笠展成蹉跎聊藉琴尊貶

懶漫曠園吟變有天眞日看兒童拈釣綸冒冷出門失堆阜驚

心造物工陶甄緩公自恃筋力定雪中補竹枝枝正宛園老子

不世情閉戶私爲古梅慶

恕堂雪中枉過南坡盆梅盛開置內院不計客看

謝南坡贈梅

翁於梅花豈有私偶然鍵戶靜叩詩我如追逋發其覆翁笑不

荅但拈髭儲儲倉園好雪景何不同去窮欵寄千年前石古逾

怪

楚王馬殷故府奇屈甚多

三尺高梅開未遲

旁有賁花人

遽令擔送兩巨盎媿

謝不勞遠步移惜被花奴矯揉甚盤枝拗藥纏麻絲人工漫欲

補造化仙骨豈容相繫縻苞萼雖繁慘不樂琴書相伴仍攢眉

急呼阿鍾爲解破翦刀響處香風馳新枝萬態漸呈露老榦一

縱尤瑰奇雪光晝明已橫絕鐙影夜照彌紛披護持雖效老翁

意吟賞不禁旁人窺前日補種新竹枝已與老竹爭雄雌梅花

在盆竹在野未免顧盼成參差梅雖神傲兀不語我爲肥度代

置詞欣逢嘉惠出束縛夷吾堂卑脫囚羈安得靈根返吾土徑

傷叢篠臨荒池主人閒暇索笑至竹梅左右罔不宜烏乎此理
蓋易曉宜酌地利斟天時作詩仍向老翁告幸示一言開我疑
恕堂招飲宛園不能至口占報謝

飲罷歸仍泛十螺隔宵猶覺醉顏酡竹梅風韻清森合領略寒

宵睡味多

昨夜同飲
張鐵崖處

佳約今宵嬾上場宛園孤負老梅香酒波搖出團團月定有歌

聲繞畫梁

有月今年臘此時銷寒添得幾行詩雪融泥滑歸途遠少戀東
鄰玉練槌

謝恕堂餉鯉魚凍

鄂城一別兩載餘淡冬常憶武昌魚大江通海得海氣力大味
厚不可漁槎頭之鰠匪難致鱠鯉果與凡鱗殊曠翁憐我涇鰲

廚兒餉特品凍更腴天清日朗勸浮白腴以新詩句句珠卻笑
漁洋疏攷證眞州誰賣松江鱸昨夜同飲唐蘭生處談及半江
有之漁洋蓋欺人耳恕堂來東云天
清日朗當浮一大白因今日甫晴也

南坡老兄贈梅花復以詩至次韵奉報

江南佳話豔萼鱸湘上隨緣任有無扶劣且培閒艸木遣魔還
賴靜功夫過從漸識歸來樂笑語相看老不懼難得公勗逾半
世平生詩事未荒蕪

冬味偏於雪後賒萬般風韵屬梅花寒占鶴語煩三請巷隔雞
飛似一家竹裏人來傳秀句酒餘天半出奇霞凡材枉自矜塗
澤老榦居然茁異葩